

堅

瓠

集

歐蘇續集卷之四目錄

沈約濫得名

中孚取象

謙卦

六籍皆詩

平仲君遷

投子

輕容方空

杜撰

蛙鳴喜怒

五穀樹

猴奕

仙女教奕

李德裕後

九棘三槐

竹實

孫臏黥布

朱徐改名

渭塘蘆蓼

月下葡萄

十字罪

行幸不拜

盜常住錢

佛入中國

寺名原始

無官御史

孔公報德

前身

草異

婦人幽閉

雞犬鳴吠

傳席撒帳

六朝金粉賦

石城懷果

梭服

古來刺客

僕隸中義士

奴隸中可人

秦檜後裔

關聖免軍

明日來

山鳥報更

染鬚

身具二形

人生尾

食人

雲雨雷神可食

十八般武藝

氣象

古屠蘇

張成善走

帝王異號

人臣異稱

鳥諭

金陵詞客

陳劉相業

八人同席

詩譏子

楊文貞誠子

揔不臆

辛芳鞠

劉方燕巢

聖瓠續集卷之四

長洲石農褚人獲學稼纂輯

沈約濫得名

屠緯真隋云天下事有最僥倖而不可解者沈約韻書是也東冬魚虞等諸韻向俱通用孔子作經及漢魏古詩皆斑斑可考豈其盡屬譌謬至約而始改正耶約吳興人局於方言蠻語不審官商而敢背越聖

賢變亂千古後世遵之如聖經百代不敢
易此甚不可曉也約本齊臣更事梁武禪
代之詔出其手後夢齊和帝引刀斷其舌
乃上章于天謂禪代之事不由已出欺天
乎欺人乎古文人之最濫得名者此人也

中孚取象

徐氏易通云中孚九二我有好爵蓋鳥爵
也中孚卦爻皆取象于禽獸豚魚皆有他

不燕鳴鶴在陰我有好爵馬匹亡翰音登
于天。○按吳草廬云豚魚乃澤中之物似
猪俗謂之江豚澤將風則浮出水而舟人
稱爲風信故中孚取象焉言能信如豚魚
則誠能動物吉之道也

謙卦

周易六十四卦爻爻俱有吉凶雖乾坤二
卦亦不能免獨於謙卦六爻俱無凶咎可

見謙之美德也許多大事俱從傲滿失之亦從謙謹得之可不戒哉

六籍皆詩

張維城西園詩塵易象幽微法鄰比與書詞敷暢式用賦物春秋借傲義本諷刺三禮莊鴻體類雅頌非謂六籍同歸於詩止緣六義觸處皆是今詩家不先窮經而輒以別才別趣之說自益究於此道何涉

平仲君遷

文選蜀都賦平仲君遷皆木名註缺暇七
編平本作枰上林賦華楓平攄其木理平
可爲碁局故碁盤曰枰唐詩方春平仲綠
清夜子規啼是也君遷本作楮櫪出交趾
劉成注云平仲之木實如白銀君遷之樹
子如瓠形司馬溫公名苑云君遷子如馬
奴俗云牛奴柿是也今造扇與傘用此柿

為油

投子

列子博者射明瓊以中庾史記蔡澤說范
睢曰博者或欲大投李洞詩六亦重新擲
印成明瓊六亦皆古投子名投子取投擲
之義今或言骨所成作頭字非也有作骰
字者按諸家韻書骰卽股字不音投則知
以玉石為投擲之義安有頭骰之理哉○

戒庵漫筆顧英玉稜知許州地中掘得窄
燒投子一窖約兩三石每以六枚作小匣
置之歸遺親友七修類藁亦載有某宦築
魏州城得窄燒投子數十詢之士夫莫識
其故予意投子乃陳思王所製子建當時
正都于許恐後世之莫傳故埋之以需人
問玩弄不意博具易於溺人而自足傳遠
地藏投子兩見於書古人用心如此

輕容方空

齊東野語曰紗之至薄者曰輕容唐類苑
輕容無花薄紗也卽今銀條紗之類王建
宮詞嫌羅不着愛輕容李賀詩蜀煙飛重
錦峽雨測輕容元微之有寄白樂天輕容
詩方空亦薄紗言紗薄如空也王荆公詩
春衫猶未着方空漢史齊王服官有輕緡
水紈吹綸之名皆紗之輕細者

杜撰

今人譏作文無所考據者曰杜撰不知所
出一說杜默爲詩多不合律世目爲杜撰
一說漢田何善易言易者皆本田何何爲
齊宗諸田居臨淄何徙杜陵其著述人謂
之杜撰一說道藏經五千餘卷惟道德經
二卷爲真係太上所著餘皆蜀道士杜光
庭所撰故曰杜撰

蛙鳴喜怒

昔人以蛙當一部鼓吹而周禮蠲氏掌去
鼃黽焚牡鞠以殺之蛙亦何害而爲之禁
豈惡其聲歟宋有令禁捕蛙以其有食蝗
功也閩禊記某所泮池有蛙不鳴則已鳴
則是庠必發科甲聞者群相慶賀等於鸞
鷲鸞鳳夫蛙一也在周則惡在宋則喜或
患其鳴或患其不鳴物之遇不遇有然

五穀樹

異識資諧金陵有丞相府明初胡惟庸所居園有五穀樹一樹而兼五種爲五穀豐歉之徵如其年麥熟則樹發麥葉黍熟則發黍葉五穀皆然聞惟庸造逆樹發豈豈皆人面忽盡落末期族滅樹蓋得氣之先者也筠廊偶筆作樹在金陵禁中

猴奕

說園識餘西番有二仙奕于山中樹下一
老猴于樹上日窺其運子致思之法因得
其玄秘國人聞而往觀仙者遁去猴卽下
與人奕遍國中莫能勝國王以爲奇進于
中國詔舉朝能奕者與較又求四方有高
手名者敵之皆敗或言楊靖善奕時靖以
事係獄詔釋出之靖請以盤滿貯桃實於
前而奕猴心牽於桃遂連敗詔推殺之

仙女教奕

明季襄王善奕率三百金一局吳中某國
手自負其能謂可探囊取東裝遊楚與之
對局竟負半子心實不甘從交遊借貸復
請對局又失一子不勝惶亟返吳百計搜
索得一局之需至楚請復下子百餘數
之局終又將負半子汗手沉吟思一勝着
挽回卒不可得自午至日晡不決王笑曰

僕明日決此局何如唯唯而出抵寓秉燭
思索終不可得忽聞叩門聲啓戶視之則
翩然一美女手持官燈而入謂曰今日與
王對奕將負半子中止乎曰然乃指其意
中所擬曰下此一着局終必負半子姑置
此處而於別處先下一子保爲終局勝半
子也復持燈而去試從其言布局下子果
勝半子矣喜極待旦請王終局甫落此子

王訝曰此者非爾所能到必有教導者爲
我言之當還子金初猶抵諱窮詰再四始
吐其情曰係宮中人所指教也王細詢其
服飾容貌乃釋然曰吾今使爾見昨夜教
子者引入宮登一綺樓四面皆其勢中畫
二仙女對奕恰與昨局相同仙女手拈一
子將落正所教妙着也王曰此非夜來教
汝者乎奕者驚異亟頓首以謝王曰爾能

感仙女解圍亦有福祿當盡逐爾所負也
復留之對奕數日厚贈而歸

李德裕後

漱石閒談載李贊皇之南遷也卒于崖州
子孫遂爲獠俗數百人自相婚配正德間
吳人顧朝楚爲儋州同知以事至崖召見
其族狀與苗獠無異耳綴銀環索垂至地
言語亦不相通德裕誥勅尙存

九棘三槐

周建外朝之法左九棘孤卿大夫位焉羣
士在其後右九棘公侯伯子男位焉羣吏
在其後面三槐三公位焉州長衆庶在其
後夫樹棘取其心赤而外刺樹槐懷也言
懷來人也古人植木具有深意如唐之退
朝花底散歸院柳邊迷徒爲佳麗耳

竹實

李旼該聞集舊稱竹實爲鸞鳳所食花開
如棗結實如麥號爲竹米以爲荒年之兆
其竹卽死陸魯望詩青復未成孤鳳餓唐
詩老屋茅生茵饑年竹有花非但鸞鳳之
食也有餘干人言彼有竹實大如雞子竹
葉層層包異味甘勝蜜食之令人心肺清
涼生深林茂密處頃曾得之雖日久乾枯
而味常存乃知鸞鳳所食必非常物

孫贖黥布

齊將孫贖名逸不可考贖非名也孫足爲
贖消所斷故稱爲孫贖贖乃肉刑去膝蓋
骨之名明世宗時有裨將名孫繼贖又有
名孫希贖者甚爲可笑漢淮南王黥布姓
英黥非姓也布嘗坐法黥故人稱曰黥布
黥乃墨刑在面之名韻會以黥爲姓誤矣

朱徐改名

嘉靖中浙人徐學詩極論嚴嵩去職蘇之
嘉定有同姓名者亟呈禮部改詩爲謨遂
登顯要矣揮塵前錄載元祐名卿朱絳者
君子人也紹興初不幸坐黨錮崇寧間亦
有朱絳者平江人初登第欲希晉用上疏
自陳與奸人同姓名恐天下後世以爲疑
遂易名謨蔡京果大喜不次擢用何兩人
皆吳人前後一轍如此也

渭塘蘆蓼

青浦周北亭江有年相友善時維九月偕
往渭塘舟次塘東泊一樓下樓不甚高上
有二女一白面一紅顏倚牕笑語周江仰
視間漫賦一詩曰夙有烟霞癖倏然興不
群秋聲飛過鴈水面洞行雲逸思乘時發
詩名到處聞扁舟涉芳沚更喜挹清芬蓋
直寫心懷初不謂二女也樓上二女曰舟

中有詩樓上豈無詩于遂朗吟二韻周江
側耳聽之一女吟曰湖天秋色物凋殘花
吐黃竿葉未乾夜月一灘霜皎皎西風雙
岫雪漫漫爲甌却羨漁翁樂充絮誰憐孝
子單忘在孤舟叢裡宿曉來誤作玉濤看
一女吟曰金莖稜稜澤國秋馬蘭花發滿
汀洲富春山下連漁屋采石江頭飲酒樓
夜月光蒙銀露浴夕陽陰暗鋪鱗浮玉孫

醉起應聲怪鋪著紅絲毯不收吟畢共笑
乃以蓮房藕稍俯擲生舟雨生共起上岸
大呼欲登樓躡之恍惚間不見雨生大駭
返舟四顧但見蘆花白蓼花紅耳士亭遂
號蘆汀漁叟有年號蓼塘居上以識其異

月下葡萄

吳中沈萬三藏古今書畫無笑有瑪瑙盃
通明類水晶面有葡萄一枝如墨點名月

下葡萄萬三死轉入數巨家後莫知所歸
天順間嘉興李銘爲童子師一日舟行見
河濱有光撲之不滅因覓得之壺也以售
人不過酬米百石有知府劉侃語之曰此
異寶以獻鎮淮貴璫張公謀僉嘉興掠鈔
所得不貲從之果得所願侃因分其利銘
領鈔過江舟覆鈔皆濕嘉興守楊公繼宗
追補前鈔銘死獄中侃亦破產與償

十字罪

康熙初常熟數士赴京應試行至中途一
士忽墮騎悶絕於地諸友因停驂昇至旅
中越日而甦云被二卒拘至一處殿宇弘
敞言是東嶽殿庭遇一故友驚問汝何故
來此對以被卒拘至友卽查檢其祿壽尙
多慰之曰俟聖帝審事畢當爲奏釋頃之
嶽帝御殿所審皆常邑事士觀之凜然審

畢友稟明釋放送之前行士曰某平生未
曾作歹事何以被拘友曰女犯十字罪士
問何十字友曰睚眦生惡念邂逅起邪心
士忽驚寤此十字人人皆犯時時易犯當
書之紳常存警惕或可少免

行幸不拜

青瑣高議宋藝祖初幸相國寺至佛像前
焚香問當拜與不拜僧錄贊寧曰不當拜

問其何故對曰見在佛不拜過去佛增會上意遂微笑領之因以爲定制至今行幸焚香皆不拜議者以爲得體

盜常住錢

莊椿云盜常住一文錢一日一夜長三分七厘利第二日夜利上又長利來世作馬牛償之所以云作一生之容易爲萬劫之艱難若捨一文錢入常住一日一夜長福

亦爾。藏經云牛日還八文馬日還七文
佛入中國

世傳漢明帝時佛始入中國非也列子曰
西極之國有化人來穆王事之作中天之
臺其高千仞及秦時沙門室利房等至始
皇以爲異囚之夜有金人破戶以出又霍
去病過焉耆山得休屠王祭天金人以是
考之周秦西漢佛化流中國久矣

寺名原始

僧居稱寺蓋九寺之列也漢明帝時佛法
初至迦葉摩騰竺法蘭以沙門服謁見館
於鴻臚寺次年勅洛陽城西雍門外立白
馬寺以鴻臚非久居之館故別建以處之
以僧爲西方之客若待以賓禮因其以白
馬負經而來馬死葬之故以名寺後世僧
居稱寺始此○高僧傳天竺國有伽藍名

皇朝通志 卷八
三
招提大富有惡國王利其財將毀之一白
馬繞塔悲鳴卽停毀自後改招提爲白馬
多取此名焉

無官御史

鶴林王露太學古語云有髮頭陀寺無官
御史臺言清苦而鯁亮也宋嘉定間余在
太學同舍言乾淳中齋舍質素飲器尚陶
瓦棟宇無設飾近時諸齋亭榭簾幙競爲

靡麗每一會飲黃白錯落非頭陀寺比矣
國有大事讜論間發言侍從之所不敢言
攻臺諫之所不敢攻由昔迄今偉節相望
近世以來非無直言或陽為矯激或陰有
附麗未能純然如古之真御史矣余謂必
甘清苦如老頭陀乃能據鯁亮如真御史
孔公報德

侍郎孔鏞字韶文為長洲庠生時家貧養

殮不給每詣學則買二餅充饑五聖閣道
媪見其旦夕經門一日迎入問故公以實
對媪心憐之謂曰吾神前畫則有齋夜則
有燈秀才肯僑居此乎公從之遂得肆志
於學後舉進士歸媪已卒公服斬衰冠送
葬焉媪之濟孔公恩深於漂母淮陰贈生
義重千金韶文事禮齊喪妣古今英雄
報德之隆如此

前身

輪迴之事正史載羊祜前身為李氏子他

如蔡邕是張衡後身高芸顧總是劉楨怪

錄邊鎬是謝靈運玉壺侯景是齊東昏侯

朝野岳陽王蕭察是許玄度詢簡嚴武是

諸葛武侯代醉韋臯亦是武侯宣室房瑄

是永禪師東坡韓滉是仲由神仙感宋太

祖是定光佛曲南仁宗是赤腳大仙雜馮

續

京是五臺僧孫公談國蘇子瞻是五戒和尚撰

新話又是鄒陽春清紀聞范祖禹是鄧禹家劉沈

是牛僧孺事文類聚張方平是瑯琊寺僧冷齋夜話

黃山谷是涪陽誦法華經女子春清錄王安

石是秦王貴耳集宋高宗是錢鏐趙鼎是李

德裕坦齋筆衡王十朋是嚴伯威梅溪文集真西山

是草廬和尚癸辛雜志史浩是文潞公兩航史

彌遠是覺闍黎陰山雜志陸游是秦少游七修類稿

袁滋是西華坐禪和尚

逸史

徐知威是徐陵

潘佑是顏延之武夷君再世爲揚大年王

京之爲王素馬北平之爲馬仁裕劉公幹

爲昏愚小吏澤公爲浣衣李氏子

俱文海披沙

明胡尙書澹是天池僧

天都載

周文張忱是

滕懋德尙書

麟

王尙書瓊幼年能誦蒼經

恍然悟前生爲西僧周文安洪謨前生爲

友鶴山人丁逢

俱雙峴歲少

王新建伯守仁是

入定僧鴻揚忠愍繼盛是二郎神托生

堂外徐國公鵬舉為岳忠武後身馮宗伯

琦為韓忠獻後身釋海鹽鄭尙書曉是海

寧寺盲道人桐下萬曆甲戌狀元孫繼皋

是正德甲戌狀元唐阜後身狀元本朝丁

亥探花金璵蔣超是峨嵋山伏虎寺僧開

詭尼大學士余詮廬國柱前生為吳中積華

庵僧聞其圖記有積善橋邊過客

草異

文海披沙伏羲文王墓前獨有著草
掛劍臺下獨生掛劍草鄭康成讀書山側
獨生書帶草皆他處所無孔林不生荆棘
嚴陵獨生白茅孝女拖筐草皆偃仆漢王
牧馬草有齒痕人既出類草亦獨異又漢
未央宮斬韓信地其草色獨赤匈奴地草
色皆白惟昭君墓上草獨青聞見厄言束

鹿縣西有唐禪將張興墓與効忠殺身血
濡染草皆紅今所生草色殷然猶如血漬
人呼紅草坡自漢唐至今幾千百年矣而
動臣俠女含冤不變乃爾

婦人幽閉

碣石剩談載婦人椽窾椽字出呂刑似與
舜典官刑相同男子去勢婦人幽閉是也
昔遇刑部員外許公因言官刑許曰五刑

除大辟外其四皆侵損其身而身猶得以
自便親屬相聚也况婦人課罪每輕宥於
男子若以幽閉禁其終身則反苦毒於男
子矣椽竅之法用木槌擊婦人胸腹卽有
一物墜而掩閉其牝戶止能溺便而人道
永廢矣是幽閉之說也今婦人有患陰頽
病者亦有物閉之甚則露出於外謂之頽
葫蘆終身與夫異榻似得於許說

雞犬鳴吠

雞司晨犬司夜皆氣機相感大觀本草云
巽爲雞雞鳴於五更者日將至巽位感動
其氣而鳴也薛文清讀書錄云丑時雞先
鳴者陽氣動也午時雞亦鳴者陰氣動也
禽鳥得氣之先如此沈石田雜記曰犬之
肝如泥土色臭味亦然其警夜人在土上
走則其肝動氣所感也故吠

傳席撒帳

撒帳始於漢武帝李夫人初至坐七寶流
蘇簾幃鳳羽長生扇帝迎入帳中共坐飲
合卺酒預戒宮人遠撒五色同心花果帝
與夫人以衣裾盛之云得多得子多也又
女初至門婿迎之相者投以紅綠連理之
錦各持一頭然後入謂之通心錦又謂令
歡梁三日後命工分作二袴夫婦各穿其

一謂之永諧袴俱見戊辰雜抄又新婦入
門不踏光地必傳席始行唐人呼爲轉席
白香山春深娶婦詩云青衣轉去聲擅褥
錦繡一條斜

六朝金粉賦

唐子畏僑居留都日嘗宴徐國公家卽席
爲六朝金粉賦時文士雲集子畏賦先成
其警句云一顧傾城兮再傾國胡然而帝

也胡然天徐大加稱賞前句出李延年歌
後句出詩君子借老篇出是其名愈著

石城懷果

楮記室有土鬱鬱不得志巧夢靈山神示
以石城懷果對清明之句莫知所謂越十
餘年成進士謁選得石城令單車造之及
縣界宿一寺中是夜四山燈火燐燐然顧
問僧曰是燐燐者為何曰清明祭墓者問

寺何名曰懷果令默理前夢皆合借其句
成詩曰眼前兒女莫關情春若來時草自
青夢卽是真真是夢石城懷果對清明

校服

西洋人以鳥毳毛染之織成段疋光采奪
目雖垢膩亦莫入名曰校服明初貢之天
府頒賜大臣甚珍重也近則駢集廣中住
者多購之以餽要津

古來刺客

鉏麴不殺趙盾梁王刺客不殺袁盎隗囂
刺客楊賢不殺杜林楊璠刺客不殺蔡邕
劉平刺客不殺劉立德晉劉裕刺客沐謙
不殺司馬楚之殷浩刺客不殺姚襄齊東
昏刺客鄭植不殺梁高祖唐太子承乾刺
客不殺于志寧故囚刺客不殺李勉五代
葛從簡刺客不殺許州富人淮南張顥刺

客不殺嚴可求西夏刺客不殺韓魏公苗
劉刺客不殺張魏公孰謂盜賊無義士乎

僕隸中義士

王振之釋薛瑄振之老奴抹之此人所知
也劉瑾之釋李夢陽人知康海之數言得
釋而不知瑾之家人老姜實救之曰昔年
不得志時李主事管昌平倉曾容吾家納
米領價得志乃忘之乎瑾乃釋夢陽仍贈

以物孰謂僕隸中無義士哉

奴隸中可人

唐蕭穎士有僕杜亮穎士鞭撻甚酷人勸
其他適答曰非不能去但愛其才學博奧
耳甄琛好奕通宵令奴秉燭睡則加撻奴
曰即君辭父母至京邸若爲讀書執燭不
辭獲罪今乃以圍碁故橫加鞭杖不亦非
理琛慚而悔遂折節讀書奴隸中信亦有

可人者

秦檜後裔

陸詒孫說聽載嘉靖初秦檜裔孫某宰湯陰綽有政聲每欲謁岳忠武廟逡巡弗果將及瓜謂同僚曰岳少保雖與先世有惡豈在後嗣耶且吾守官無媿神明往謁何傷遂爲文祭之拜不能起嘔血數升扶出廟門卽死

關聖免軍

耳談萬曆間解州俞保補皮騰越妻王氏
將粒米作信香日夕懇禱關聖祠歲餘保
在伍夢關聖呼曰爾婦爲汝虔禱故來視
爾爾欲歸乎保伏地願歸已不覺隨其馬
蹄馳行獵獵猛風吹送有聲已落平沙柳
林中誠是解州城外因抵家扣門王氏始
疑保具道所以方啓戶相抱痛哭隨詣廟

謝明日復請州言狀移文騰越察之稱保
離伍僅一日而軍籍復有開聖免勾四字
保遂得免王氏有詩曰信香一粒米客路
萬重山一香一點淚流恨入蕭關

明日來

明宣正間松江太守趙豫居官慈惠每見
訟者非急事則諭之曰明日來始皆笑之
遂有松江太守明日來之謠不知訟者乘

一時之忿經宿氣平或衆爲勸解因而獲
息者甚多比之鈎鉅致人而自名英察者
其所存何啻霄壤

山鳥報更

陳眉公曰山鳥五更喧起謂之報更蓋山
中真率漏聲也余居小崑山下時梅雨初
霽座客飛觴造聞庭蛙請以節飲因題一
聯云花枝送客蛙催鼓竹籟喧林鳥報更

可謂山史寶錄

染鬚

劉禹錫詩近來年少輕前輩好染髭鬚作
後生或嘲之曰自是劉郎愛春色非關前
爲少年輕明陸文量寓京時客有授烏鬚
方者文量口占一詩荅之曰染將紛白媚
嬌紅祇畏癡心笑老翁五色任生當順受
二毛何況世人同聞者以爲曠達

身具二形

玉曆通誌載心房二宿具男女二形婦人感之而孕所生亦具二形晉史惠懷之世京洛有兼男女體者能兩用人道七修載杭友蘇民詞娶一妾下半年月女形上半年月則陰尸出陽勢矣雜記載成化中山西彖冲碣石剩談載嘉靖中瑞州藍道婆皆身具男女二形假女紅奸人婦女事露刑死

聞見卮言載禾郡城隍廟道童陰囊之後
穀道之前又具女形年長而美兩乳亦發

人生尾

獨異志載大曆中洛陽尉苗登有尾長二
尺餘夸堅丙志載臨安米市橋傍賣琪苳
者腰間生尾長四尺餘每出必用繩索纏
縛數匝猶爲小兒窘逐求觀又一丐亦有
之然僅長數寸閱者必施一文錢

食人

隋麻叔謀朱粲常蒸小兒以爲膳唐高瓘
蒸妾食之薛震獨孤莊張茂昭五代萇從
簡趙思綰宋王繼勳林干之草木子載元
劉太保以人爲糧明兩廣提督韓觀皆嗜
食人然皆殖醢而食未有生啖者三國志
載吳將高灋好飲人血文海披沙梁牟道
生見罪人被縛拔刀剗其睛吞之宋王彥

升俘獲胡人置酒宴飲手裂其耳咀嚼俘
者痛楚號叫而升談笑自若前後凡啖
數百人卽虎狼不若也

雲雨雷可食

文海披沙霍山南岳有雲師雨虎雲師如
蠶長六七寸似兔雨虎如蝻長七八寸似
蛭味甘可熟而食嶺南有雷公秋冬則蟄
地中狀如鼠人掘取便擊殺烹而食之

十八般武藝

矛鎗弓弩銃鞭筒劍鏈槌斧鉞并戈戟牌
棒與鎗杙此十八般武藝也近見馬氏曰
抄嘉靖己巳邊庭多事官司招募勇敢無
一人應山西李通行教京師遂應募為第
一較其武藝十八事皆能一弓二弩三鎗
四刀五劍六矛七盾八斧九鉞十戟十一
鞭十二筒十三槌十四叉十五又十六爬

頭十七綿繩套索十八白打

氣象

說圍識餘徐中行翊叅政廣西行出象洲
計此必多象問之舟人云此絕無象中行
心疑其何以得此名明且早行見山崖水
次象以千數或飲或食或趨或卧其狀不
一中行詰舟人曰你謂無象此爲何物舟
人曰此山氣所結日高當不見中行不信

至日出象漸散滅無一存者乃知古人以其氣名之然山無象而氣乃爾不可曉也

古屠蘇

桃燈集異山東一民家共爨二百餘年食指五百餘口並不染疫癘其家每年以三伏日收苦草日一束陰乾至冬至日杵爲末每歲正旦五更用蜜調每人服一匕此卽古屠蘇意也

張成善走

成化中臨清張成以善走得名日行五百里上官命入京師往返僅七日善馬弗能逮足有長毫夜宿圓器中每走勢發足不得住抱樹乃止吳有舉人過臨清知州與有舊留之宿舉人求蕭縣大梨知州召成往而明旦已持梨來疑其近處得之使人往驗果然蓋百餘里路僅一昏時也

帝王異號

三家三皇五帝五帝紫庭真人夏禹西明

仙公文王祖龍秦始皇灞上真人漢高祖劉氏

祭酒吳王茂陵秋風客漢武帝張公子漢成帝

銅馬帝白水真人漢光武躍馬皇帝井

中蛙公孫述聖劉天王陳聖劉太平皇帝

漢哀帝紫髯將軍鼠子孫權大耳兒大

耳龍蜀先主瞎兒天子晉愍帝庶人天王晉燕王盛

聖孤續集 卷四 三

壯烈天王

符堅

黃口小兒

文帝

黃鬚天子

魏仁成

麤奴

禿瘡天子

遠

蕭間大

夫劉鋹

無愁天子

後主

解事天子

梁師 髭

聖天可汗

掃國真人

唐太宗

鬼婆金

輪皇帝

武則天

應天皇帝

和事天子

唐中宗

快活三郎

孔昇真人

唐明皇

玉環天子

妃

文佳皇帝

唐女子

儋耳龍

唐德宗

兵丹上

聖鄉貢進士

小太宗

唐宣宗

李天下

唐菜 潞州別駕唐明宗 花頂天子 獨眼龍

李克用 白馬三郎開王 兒皇帝石敬瑭 天上大

仙 郭雀兒郭威 蓮峰居士南唐李後主 香孩

兒 田舍奴翁宋太祖 太平天子宋太祖 來和

天尊宋真宗 赤脚太仙宋仁宗 女中堯舜高太后

浪子皇帝 教主道君皇帝宋徽宗 捉雞漢

宋光宗 北方小堯舜景主 太師威武大將軍

大聖法王明武宗 天河釣叟明世宗

人臣異稱

闍編仙人 燕周

五穀大夫

百里奚

三閭大夫

屈原

好事儒者

褚少孫

一錢太守

劉寵 清白

吏

關西夫子

楊震

小車宰相

田千秋 五日

京兆

張敞

飛將軍

李廣

驄馬御史

桓典 大

樹將軍

馮異

矍鑠翁

伏波將軍

馬援 香

尉

漢雍

跋扈將軍

梁冀

白衣尙書

鄭均 賈

父

賈彪

召父

召信

杜母 杜誥

乳虎

竇成 蒼

鷹到都

屠伯

嚴廷年

伏龍

卧龍

諸葛亮

雞

鳳

徐庶

伏鸞

鄧艾

隱鵠

陸雲

癡虎

許褚

杜

武庫

杜預

折臂三公

羊祜

風流宰相

謝安

江右夷吾

王導

白馬將軍

龐德

髯

參軍

初

超短主簿

王珣

三詔

祿

謝瞻

折臂太守

劉

遺皮裘

秋

褚裒

五柳先生

陶潛

山中宰

相陶弘

妳母

何承天

蕭娘

梁主

呂姥

呂僧珍

韋

虎

梁韋

瞎虎

谷楷

黑頭三公

諸葛

黃瓠

少

師 挑弓僕射齊鄧陳姥隋陳良姥段達

十錢王簿魏射鵬都尉秦王聖小兒祖

壁 宇宙大將軍侯景筆公尖頭奴古齋

癩兒刺史魏赤牛中尉元仲落鵬都尉

椰神驚蝴蝶魏收細眼奴房元三盲宰相

在在羊鼻公魏徵金牛刺史嚴昇人頭羅

刹 鬼面夜叉李全四時住傅遊銅山

太賊李義李猫上南唐李德來救瞎宰相姚崇牛

頭阿婆周興行秘書虞世南兩脚狐楊再思有

脚陽春宋璟文場元帥張齡九肉腰刀索

鬪鷄李林甫伏獵侍郎蕭昺斲窓舍人楊滔

縮葱御史侯思止多田翁盧從愿跛宰相裴度

萬羊宰相李德裕伴食宰相盧懷慎青錢學士

張鷟白蠟侍郎董方瘦羊博士甄宗小笏

學士楊緯斗酒學士王績八磚學士李程

四其御史郭弘霸呷酸節度使李景略紫袍主

瓜青三
續

事

韋君素

捉船使君

郭某偽荆卿 甄戈

不利

市秀才

夏侯孜

補唇先生

方干地藏菩薩李

光弼史

驅驢宰相

王及善

軟餅中丞

韋莊胡

孫待制

王昶

浪子宰相

李邦彥

拟木枕措大

崔慎

七松處士鄭薰

當世仲尼

于起落鵬

御史

高駐

解事舍人

齊澣

了了令史

戴洪興

蘇扛佛

失名

蘇模稜

蘇味

入鐵主簿許慎

八捷將軍

裴聿

四明狂客

賀知章

水晶燈籠